

011

PA
4446
S56

Emendationes Theognideae.

Scrpsit

Dr. J. Sitzler.

Appendix libelli gymnasii, quod est Aurelia Aquensi.

Aurelia Aquensi.

TYPIS EXPRESSIT A. v. HAGEN.

MDCCCLXXVIII.



PA
4446
556



307831

Theognidis versibus multi viri docti per hosce annos plurimum navaverunt operae, alii, ut libris accuratius quam antea excussis firmius emendandi fundamentum iacerent, alii, ut singulos, in quibus haerent, locos pertractarent et corrigerent. Atque in illorum numero habendi sunt *Pressel* et van der *Mey*, qui cod. A denuo contulerunt, *Ziegler* et *Hart* et *Hinck*, qui cod. OK accuratius examinauerunt; in his vero ceteris praestant *Bergk*, *Hartung*, *Leutsch*, *Hecker*, *Heimsoeth*, qui tres emendationum *Theognidearum* partes scripsit, *Herwerden*, alii. Tamen restant multa, in quibus legentes offendant, non pauca, quae adhuc omnes emendandi conatus eluserint. Atque in quae ego iterum iterumque hunc poetam lectitans incidi, eorum aliquam partem ipsius libri ordine servato iam in medio prolaturus sum, ut, quantum possum, huius poetae interpretationem adiuvem. Neque vero in hac re *Theognideae*, quae dicitur, quaestionis rationem habebo, sed omnes locos, sive *Theognidis* sunt sive non sunt, si quid habeam, quod de eis moneam, promiscue tractabo, praesertim cum in editione *Theognidis*, quae iam in publicum prodibit, accurate aperuerim, quid de illa quaestione sentiam.

Ac primus quidem locus, quem tractaturi sumus, exstat in *versibus 101 sq.*, quibus *Theognis* gravibus verbis ab amicitia *malorum* revocat. Malos enim ait non par pari referre, si quid eis intuleris boni, si quid mali, etiam omnium superiorum beneficiorum memoriam abiicere. Quare *bonos* sequaris; nam, pergit poeta vv. 111 — 112:

οἱ δ' ἀγαθοὶ τὸ μέγιστον ἐπαυρίσκουσι παθόντες,
μῆνμα δ' ἔχουσ' ἀγαθῶν καὶ χάριν ἐξοπίσω.

Haec verba antecedentibus contraria esse cum ex tota huius loci ratione apparet tum optime ex v. 112 cernitur, qui versui 110:

ἤν δ' ἐν ἀμάσσει,
τῶν πρόσθεν πάντων ἐκκέχεται φιλότις.

aperte opponitur: „*mali, cum sibi iniuriam passi esse videntur, beneficiorum acceptorum obliviscuntur; boni meminerunt et gratos se praebent.*“ Quid igitur veri similis est quam versum quoque 111 antecedenti 108:

οὔτε κακὸς εὖ δοῶν εὖ πάλιν ἀντελάβοις.

respondere? Atqui cum v. 108 dicatur *malos beneficiorum acceptorum gratiam non referre*, v. 111 poetam dicere oportet *bonos beneficia beneficiis referre*.

Huic vero, quae postulatur, sententiae verbum *ἐπαυρίσκειν* refragari videtur. Nam ut forma activa *ἐπαυρίσκω* nusquam legitur, ita cae, quae leguntur, formae activae, ut *ἐπαυρεῖ* apud Hesiod. opp. et. dies. 419 et *ἐπηῖρον* apud Homerum, alia atque ab hoc loco aliena significatione usurpantur. Saepissime autem reperitur forma media *ἐπαυρίσκεσθαι*, quae significat: „*bonum vel malum ex aliqua re capere.*“ Jam vero si veri simile esset Graecos eadem significatione activa quoque forma usos esse, activum *ἐπαυρίσκειν* significaret: „*bonum vel malum alicui afferre,*“ ut e. gr. *ὀνίναμαι* et *ὀνίνημι*, et *Theognidem* coniicias scripsisse: *εὖ ἐπαυρίσκουσι* s. *εὖ παυρίσκουσι*. Sed cum hoc mihi nunc quidem dubium videatur, alia circumspicimus.

Atque viri docti multa excogitaverunt, quibus his versibus mederentur, veluti Ahrens ἀμαρτίζονσι. Emperius ἐλαμπίζονσι. Bergk ἐλαφρίζονσι. Heimsoeth τὰ μέγιστ' ἀποσφλανρίζονσι: quae coniecturae omnes non solum sententiae, quam requiri supra vidimus, repugnant, sed etiam, ut Hartung recte monet, ea re laborant, quod verbum πάσχειν, media quae dicitur vox, attributo non addito in malam partem accipi nequit. Quod vero ipse Hartung proposuit: τὰ μέγιστ' ἐν παῖρ' ἴσονται, propter inauditam significationem verbi ἴσκειν, quod vernaculo verbo „vergelten“ interpretatur, recipi non licet.

Quae cum ita sint, nos putamus legendum esse:

οἱ δ' ἀγαθοὶ τὸ μέγιστον ἐν αὐτῷ ῥέζονσι παθόντες,

quod et sententiae, quae postulatur, et linguae Graecae legibus satis facit. Nam adiectivum τὸ μέγιστον accusativus est interioris, quod dicitur, obiecti, qui cum verbo ἐν ῥέζειν, quod idem est ac ὠφελεῖν, coniungendus est, cf v. c. Demosthen. 20, 119: ἐκεῖνοι μεγάλ' ἐν παθόντες οὐδέν' εἰμύσαν. Neque in articulo τὸ μέγιστον neque in singulari est, quod offendas, cf Xenoph. memor. 4, 8, 11: Σωκράτης δίκαιος ἦν οὕτως ὥστε βλέπειν μὲν μηδὲν μικρὸν μηδένα, ὠφελεῖν δὲ τὰ μέγιστα τοὺς χρωμένους ἑαυτῷ et Cyrop. 2, 4, 26: εἰδῶσαι χοῖν τοὺς ἄνδρας τὸ μέγιστον ἀποσομιθῆναι. Deinde ad particulam αὐτῷ, quae significat: „contra, vicissim“, cf Xenoph. symp. 4, 49: αὐτὸν διδόνειν, αὐτὸν παρέχονται. Adverbium ἐν denique etiam ad participium παθόντες referri, vix est, quod moneam. —

Versus 197 sq. Bergk cod. A secutus sic constituit:

χοῖμα δ' ὃ μὲν Διόθεν καὶ σὸν δίκην ἀνδρὶ γένηται
καὶ καθαρώς, αἰεὶ παρμόνιμον τελέθει.
εἰ δ' ἀδίκως παρὰ καιρὸν ἀνὴρ φιλοκερδέϊ θυμῷ
ζήσεται εἴθ' ὅρκῳ παρ τὸ δίκαιον ἐλὼν,
ἀντίκα μὲν τι κίλ.

Sed pro χοῖμα δ' ὃ μὲν habet O χοῖμαθ' ὃ, K χοῖματα ὃ, reliqui χοῖματα δ' ὃ: quas lectiones omnes ex A derivatas esse primo obtutu videbis; quare etiam coniectura Lachmanni χοῖμαθ' οὕτω scribentis reiicienda est. Sed ne codicis A quidem lectio mihi integra videtur. Nam cum hoc mihi carminis initium esse videatur, cui quid praegressum sit, non intelligo, puto scribendum esse: χοῖμ' ὃ κε sive χοῖμ' ὃ τε: quaecunque res etc.

Sed locus nondum persanatus est; offendo enim in verbis παρὰ καιρὸν v. 199, quae mihi ab hoc loco aliena videntur. Et Bergk ea „praeter ius“ esse interpretatur, aliis laudatis locis, ubi substantivo καιρός eandem significationem vindicare vult. At καιρός neque hic neque ullo alio loco „ius“ significat, sed ubique „iustum vel tempus vel locus, opportunitatem“. Nec verba παρὰ καιρὸν me unquam alia memini legere significatione quam „inopportuno tempore, intempestive“, cf v. c. Phocylid. 16. Sed etiamsi concesserimus παρὰ καιρὸν „praeter ius“ significare posse, nonne verba παρὰ καιρὸν et ἀδίκως importunam tautologiam efficient?

Quodsi verba παρὰ καιρὸν quin corrupta sint non dubium videtur, eorum loco quid substituendum sit, ex antithesi facile videbimus. Cum enim illi antecedenti σὸν δίκην adverbium ἀδίκως, illi καθαρώς verba εἴθ' ὅρκῳ παρ τὸ δίκαιον ἐλὼν respondeant, quid magis consentaneum est quam verba παρὰ καιρὸν ad illud Διόθεν referri? Scribimus igitur παρὰ δαίμον', quod idem valet atque „invito deo“, ut apud Homerum Il. 17, 98 πρὸς δαίμονα, optimeque illi Διόθεν opponitur. —

Versum 260 optimi codices AOK sic exhibent:

φεύγειν ἀπωσαμένη τὸν κακὸν ἱνίοχον,

quae verba cum aperte in metrum peccent, deteriores libri manifesta correctione in φεύγειν ὥσαμένη immutaverunt. Sed nullus dubito, quin illud ἀπωσαμένη a poeta ipso profectum sit; nam quo alio modo putas etiam contra metrum in optimos libros irrepere potuisse? Hoc vero

concesso fieri non potest, quin verbum *φρεύειν* vitium contraxerit. Et Bergk quidem locum ita sanare conatur, ut pro verbo *φρεύειν* infinitivum doricum *φρεύην* s. *φρεύην* scribat. Sed mihi potius verbum *φρεύειν* *glossema verbi* *τρέσσαι* videtur, ut antiquitus *τρέσσαι ἀπωσαμένη* scriptum fuerit. Ad hoc *glossema* cf Suidas s. v. *τρέσσαι* : *τρέσας ἀντὶ τοῦ φνυγῶν* — *τρέσαι* (l. *τρέσσαι*) *δ' οὐκέτι ῥίμφα φέρον πόδες* (Il. 13, 515) *ἀντὶ τοῦ φνυγῶν*. Eiusmodi vero *glossemata* saepius verba genuina loco movisse inter omnes constat. —

Versibus 261 sq. initium erotici, quod dicitur, carminis exstat, quod in libris sic legitur:

οὐ μοι πίνεταί οἶνος, ἐπεὶ παρὰ παιδὶ τερεῖν
 ἄλλος ἀνὴρ κατέχει πολλὸν ἔμοῦ κακίων.
 ψυχρόν μοι παρὰ τῇδε φίλοι πίνουσι τοκῆς,
 ὥς θ' ἅμα θ' ὕδρευέει καὶ με γοῶσα φέρει.
 ἔνθα μέσσην περὶ παῖδα βαλὼν ἀγκῶν' ἐφίλησα
 δείρην, ἣ δὲ τέρεν φθέγγετ' ἀπὸ στόματος,

qui versus viros doctos magnopere exercuerunt. Et primum quidem distichon integrum esse videtur. Nam quod *Hermannus* et *Hertzberg* et *Emperius* in verbo *κατέχει* haeserunt, id quo iure fecerint ipsi videant. Nam verbum *κατέχειν*, quod proprie „*occupatum tenere*“ significat, etiam *intransitive*, i. e. sine obiecto, usurpari constat, idque *duplici* significatione. Notissimum est enim illud ὁ λόγος κατέχει; similiter Euripid. Hippol. 1466: τῶν γὰρ μεγάλων ἀξιοπενθεῖς φῆμαι μᾶλλον κατέχουσι. Aristoph. Aves 1316: κατέχουσι δ' ἔρωτες ἐμὰς πόλεως. Herodot. 6, 40: τὰ κατέχοντα πρῆγματα: quibus in locis vulgo substantivum τοὺς ἀνθρώπους supplent. In eiusmodi structuris nos verbum *κατέχειν* verbis *gehen, herrschen, obwalten*, similibus vertere possumus.

Sed huc locum, de quo agimus, vix referas; nam in his omnibus exemplis de rebus, non de hominibus sermo est. Et *altera* verbi *κατέχειν* significatio est „*appellere*“, ubi vulgo substantivum ναῦν supplent, cf v. c. Sophocl. Philoct. 221: τίνες ποτ' ἐς γῆν τήνδε κακὰ ποίας τύχης κατέσχετε; Sed a re navali etiam ad alias res transfertur, cf Soph. El. 503: εἰ μὴ τόδε φάσμα νυκτὸς εὖ κατασχέσει. Atque eodem pertinet hic, de quo agimus, locus, ubi κατέχει idem valet ac „*devertitur, commoratur*“. Hae a re navali ductae metaphoraе apud Graecos satis frequentes sunt, cf e. g. verbum κατάγεσθαι, quod, ut κατέχειν, proprie de re navali dictum, ut Xenoph. Hellen. 6, 2, 36: ὁ μέντοι Ἰφικράτης τὰς μὲν τριήρεις ἀκρωτηριασάμενος ἔλκων κατηγάγετο εἰς τὸν τῶν Κερκυραίων λιμένα, ad alia quoque itinera trans fertur, ut ibid. 4, 5, 18: διῶν δὲ ἐπ' οἴκον ὥς μὲν ἐδύνατο ὀψιαιτάτα κατήγετο εἰς τὰς πόλεις, ὥς δ' ἐδύνατο προΐαιτάτα ἐξωρμάτο. symp. 1, 11: Φίλιππος δ' ὁ γελωτοποιὸς κρούσας τὴν θύραν εἶπε τῷ ὑπακούσαντι εἰσαγγεῖλαι ὅστις τ' εἴη καὶ διότι κατάγεσθαι βούλοιτο. Ne vero in verbis παρὰ παιδὶ τερεῖν offendas, vide Xenoph. symp. 8, 39: πρόξενοι κατὰγονται παρὰ σοι. Herod. 8, 117: ἐνθαῦτα δὲ κατεχόμενοι (i. e. forma media) σιτία τε πλείω ἢ κατ' ὁδὸν ἐλάγχανον. Est enim κατέχειν παρὰ τινα idem ac „*deverti ad aliquem*“, κ. παρὰ τινι idem ac „*deverti ad aliquem et manere cum eo*“. Ita mihi in primo disticho omnia expedita esse videntur.

Sed longe alia res est cum v. 263, qui sensum, qualis quadrare videtur, non praebet. Itaque viri docti alii alia excogitaverunt. Et *Hermannus* quidem pro ψυχρόν coniecit ψυχροί, qua coniectura quid lucremur, mente assequi non possum. *Kayser* autem pro τῇδε φίλοι πίνουσι scribi vult: τῇδ' ἐπιχλεύαζουσι, quod cum huius sequentisque distichi sententia non male consentit, sed primo disticho repugnat; nam si puella poetam invitis parentibus amat atque aquans convenit, non est, quod poeta querelas illas fundat. *Hartung* porro pro πίνουσι proposuit προπίνουσι, quod ipsius metri causa ferri nequit. *Heimsoethius* denique συχρόν — ἐπινοοῦσι legi vult. At ita desideratur obiectum verbi ἐπινοεῖν, quod vix deesse potest: quamquam sane ἐπινοοῦσι verbum est, quod h. l. requiritur et in quod ego quoque incidi.

Maiora moliti sunt alii viri docti, ut *Sauppe*, qui coniecit: *ψυχρόν μοι πάρα. τῆς δὲ φίλοι πίνουσι τοκῆς. οἷς ἅμα θ' ὑδρεύει καὶ με γοῶσ' ἀφαρεῖ*, collato Hesychio: *ἀφαρεῖ ὑδροῖ. ἀνιμᾷται*, ubi ὑδρεύει corrigit; *Ahrens*: *ψυχρόν τὸν — κλίνουσι — γοῶσ' ἀφορεῖ*; *O. Schneider*: *ψυχρόν γὰρ μοι τῆσδε φ. πνέουσι τ. — θροεῖ*. In has omnes coniecturas cadit, quod supra contra *Kayserum* monuimus, poetae querelas vix intelligi posse, si puella eum amat ac nesciis parentibus convenit. Praeterea in eis, quae *Sauppe* coniecit, verba *τῆς δὲ φίλοι πίνουσι τοκῆς* obscura, *ἀφαρεῖ* incertum, tautologia verborum *ὑδρεύει* et *ἀφαρεῖ* molesta est. Nec minus offendimus in *Schneideri* coniectura: *ψυχρόν μοι πνέουσι τοκῆς*.

Sed nondum omnia, quae ad hos versus emendandos viri docti excogitaverunt, enumeravimus. Nam versus quoque 264, qui mihi integerrimus videtur, multifarie tentatus est. Et *Brunck* quidem ἔ δέ θ' ἅμ' ὑδρεύει καὶ με γοῶσα καλεῖ proposuit; *Schneidewin* autem: οἷσθ' ἅμα θ' ὑδρεύει; *Heimsoeth* denique ἔσθ' pro ὅσθ' scripsit; quae coniecturae, cum praegresso versu nitantur, simul cum eo stant conciduntque. Postremum etiam verbum *φέρει* multis displicuit. Et quae *Sauppe*, *Schneider*, *Ahrens* eius loco substitui voluerunt, supra vidimus; *Hermann* autem suspicatur olim scriptum fuisse *θέρει*, *Goeller* *φλέγει*, *Heimsoeth* *γελῶσα θροεῖ*; idemque v. 265 verba *ἀγκῶν' ἐγίλησα* in *ἀγκῶνα γίλημι* mutari vult.

Jam vero omnibus, ni fallor, virorum doctorum coniecturis propositis ab ultimis exorsi, quid nobis videatur, exponamus. Ac v. 264 integrum esse supra diximus. Nam verbum *φέρειν*, in quo plurimi haeserunt, ut saepissime de rebus, quas quis fert, ut *κακά, ἄλγη*, similia, ita interdum de hominibus, quos quis fert, dicitur. Quasi transitum a rebus ad homines facit Sophocl. Oed. Tyc. 675: αἱ δὲ τοιαῦται φύσεις αὐταῖς δικαίως εἶσιν ἄλγιστα φέρειν. De homine legitur eiusdem tragoediae v. 1211: πῶς αἱ παρθῶαί σ' ἄλοκες φέρειν — σίγ' ἐδυνάθησαν ἐς τοσόνδε; Eodemque modo Xenophon memor. 2, 2, 10 dicit: ἐγὼ μὲν οἶμαι, εἰ τοιαύτην μὴ δύνασαι φέρειν μητέρα, τὰγαθὰ σε οὐ δύνασθαι φέρειν. Prorsus vero cum hoc, quem tractamus, loco congruit, quod Xenoph. mem. 2, 3, 5 scribit: ὥσως ἂν δέοι φέρειν τὸν ἀδελφὸν καὶ μὴ μικρῶν ἔνεκα φεύγειν. Nam ut hic verba μὴ φεύγειν verbo φέρειν opponuntur, eodem modo in Theognidis (?) loco: fert amantem, non fugit.

Atque ex hoc versu cognoscimus puellam aquantem poetam convenire et cum eo „dulce loqui, dulce ridere“, ut sequente disticho docemur. Quod si vere ac sincere faceret, non esset, cur poeta, ut versibus 261—2 facit, querelas funderet. Nunc vero ex ipsis versibus 263—6 sequitur non solitam ac quotidianam rem tradi, sed eam, quae semel facta est: hoc demonstrat aoristus *ἐγίλησα*, quem *Heimsoeth* ob hanc causam removeri vult; idemque aoristus antecedentia praesentia docet historica esse. Atque hanc rem si cum querelis primi distichi contulerimus, non iam dubitabimus, quin his versibus agatur de decipiendo poeta, de laqueis ei ponendis. Existimo igitur v. 263 legendum esse: *ψυχρόν μοι παρὰ τῆς φίλοι ἐπινοοῦσι τοκῆς*. Jam omnia patent: parentes, inquit poeta, falsa, i. e. dolum, insidias, in me excogitant apud filiam sive opera filiae, i. e. ita, ut filia dolum perficiat, insidias struat; vides igitur ne illud *παρὰ τῆς* quidem otiosum esse, ut nonnulli putaverunt. Hoc vero parentum consilio permota quid filia fecerit, versu 264 docetur; itaque etiam *ὥστε* recte se habet.

Quae cum ita sint, rem omnem sic animo fingimus. Poeta puellam deperit, cuius gratiam sibi conciliavisse videtur. Sed alius supervenit, genere ille quidem poeta inferior, sed pecunia superior, cui iam ipsa puella eiusque parentes favent. Quam ob rem ut poetam deterreant, non iam admittunt; sed cum hic novi ignarus amoris suum amorem praec se ferre non desistat, dolum excogitant, quo eum ulciscantur. Puella enim aquatum it; poeta, qui, ut solet, prope est, accurrit, ut eam conveniat. Ex composito illa poetam fert questa fortunam suam, quasi a parentibus cum amasio congregi impediatur. Quid secutum sit, carmine ipso non describitur; sed ex querelis, quae ab initio carminis leguntur, concludi licet poetam intellexisse alium a

puella sibi praeferri. Nam parentes et amasius novus eis supervenisse videntur, a quibus poeta fortasse male tractatus est: inde illa: *ψυδρόν μοι παρὰ τῇδε φίλοι ἐπινοοῦσι τοκῆες*. —

Versibus 271 sq. homo senex, qui impios filios habet, queritur omnium gravissimum malum esse,

275. *παῖδες ἐπεὶ θρέψαιο καὶ ἄρμενα πάντα παράσχοις,
 χοῖματά δ' εἰ καταθῆς πόλλ' ἀνιηρὰ παθών,
 τὸν πατέρ' ἐχθαίρουσι, καταρῶνται δ' ἀπολέσθαι,
 καὶ στυγέουσ' ὥσπερ πτωχὸν ἐσερχόμενον:*

ita habet A sec. van der Mey, idemque Bergk coniectura assecutus erat; sed reliqui libri exhibent δ' *ἐγκαταθῆς*, unde sequi videtur in archetypo aliud quid scriptum fuisse. Non enim veri simile est futurum fuisse, ut verba δ' *εἰ καταθῆς* in verba δ' *ἐγκαταθῆς* mutarentur, sed potius δ' *ἐγκαταθῆς*, cui verbo hic locus non est, in illud δ' *εἰ καταθῆς*. Inde apparet locum corruptum esse. Atque eodem ducit concinnitas disturbata, cum v. 275 *ἐπεὶ* cum optativo et v. 276 *εἰ* cum coniunctivo habeamus.

Et hoc vitium ut tolleret, *Hartung* coniecit scribendum esse: *παρασχὼν χοῖματά καταθείης*. Non recte, opinor; nam illud *ἄρμενα πάντα παρέχειν* non subiunctum, sed adiunctum est sequenti *χοῖματά καταθεῖναι*. Accedit, quod haec, quae *Hartung* coniecit, vix in illa, quae legimus, abire potuerunt.

Atque equidem puto antiquitus scriptum fuisse: *χοῖμά τε καταθείης*. Ad *χοῖμα* per singularem dictum, ubi vulgo pluralis usurpari solet cf. Suidas s. v. *χοῖμα*. *πράγμα ἢ κτήμα, πλοῦτος, οὐσία, λῆμμα*. Quocum comparandus est Pollux 9, 81: *διότι χοῖματά μὲν εἵποιεν οἱ Ἀττικοί. τὸ δὲ χοῖμα μὲν αὐτοῖς ἐπὶ τοῦ πράγματος ἢ κτήματος. παρὰ δὲ τοῖς Ἰωσι καὶ ἐπὶ τῶν χρημάτων*. Et legimus apud. Herod. III, 38 singularem ea, quam Pollux dicit, significatione. Ceterum vide Koenium ad Gregor. Cor. p. 183; Jacobs. lect. Stob. p. 42; Meinek. analect. crit. ad Stob. in ed. Stob. p. 160. Atque ipsa haec insolita forma causa corruptelae fuisse videtur; nam ut librarii insuetum illud *χοῖμα* cum particula sequente *τε* in vulgare illud *χοῖματά* mutaverunt, particula δὲ coniunctionis causa addenda erat; ut vero versus staret, ex littera ε in particula *τέ* ἐγ et eodem tempore ex rariore forma *καταθείης* usitatior *καταθῆς* facta est, ut malum malum ducit. Ceterum ad *ἐπεὶ* cum optativo cf. Xenoph. Oecon. 11, 12: *ἐπεὶ τις ἐσθίειν τὰ ἱκανὰ ἔχει, ἐκπονοῦντι ὀρθῶς μᾶλλον δοκεῖ μοι ἢ ὑγίεια παραμένειν*.

Restat, ut addamus sequente versu melius *τοί* quam *τόν* legi; nam *τοί* subiectum vi quadam repetit et effert, quod hoc loco aptissimum videtur. —

Versus 283 sq. in libris sic exstant:

*ἄστιῶν μηδενὶ πιστὸς ἐὼν πόδα τόνδε πρόβαινε,
 μήθ' ὄρκῳ πίσυνος μήτε φιλημοσύνη,*

sed pro *πρόβαινε* K habet *προβαίνεις*, et pro pronomine *τόνδε* omnes editores genetivum *τῶνδε* receperunt, quem Hermann coniecit.

Tamen ita mihi nondum omnia in integrum restituta videntur; offendunt enim verba *πόδα πρόβαινε*, quae me non memini unquam legere *nude* dicta, ea, quam h. l. habent significatione, ut „esse, versari“ valeant, sed semper *addito* aut *loco, quo quis pedes fert*, aut *verbo, cuius actio illa locutione accuratius describitur*, i. e. *locutio πόδα προβαίνειν nunquam statui, in quo quis est, denotando inservit, sed semper*, ut ipsius locutionis natura declarat, *actionem exprimit*. Ita legimus apud Euripid. El. 94: *καὶ τειχέων μὲν ἐντὸς οὐ βαίνω πόδα*. Aristoph. eccles. 161: *ἐγὼ ἐκκλησιάσομαι οὐκ ἂν προβαίην τὸν πόδα τὸν ἔτερον*. Eurip. Phoen. 1412: *προβάς δὲ κῶλον δεξιὸν δι' ὀμφαλοῦ καθῆκεν ἔγχος σφονδύλοις τ' ἐνέριμωσεν*.

Quae cum ita sint, non tam mirum est, quam *Bergkio* videtur, quod *Emperius* ποδα-ποιῦδε pro πόδα ἰόνδε suspicatus est; quamquam ne hoc quidem sufficere videtur. Ego existimo scribendum esse: πότε ἰώνδε προφαίνῃ, i. e. noli te praestare eum, qui ulli unquam horum civium fidem habeas, sive cave cuiquam horum civium unquam fidem habeas. Constructio verbi φαίνεσθαι cum participio nota est. —

Versus 287—8 saepissime a viris doctis tentati sunt. Et in optimo libro A sic scribuntur:

ἐν γὰρ τοι πόλει ὧδε κακοψόγῳ ἀνδάνει οὐδέν.
ὥςδετοσωσαιεὶ πολλοὶ ἀνολβότεροι,

sed pro κακοψόγῳ K habet κακούργῳ, quae aut correctio aut imprudentia librarii esse videtur; similiter litteras sequentes ὥςδετοσωσαιεὶ, quae intellegi nequeunt, ceteri libri in verba: ὥς δὲ τὸ σῶσαι οἱ, Palatinus autem in ὥστε τὸ κτλ. corrigunt, quae ipsius metri causa ferri non possunt; pro ἀνολβότεροι denique OK librarii errore exhibent ἀναβότεροι.

Atque hos versus ut emendarent, viri docti multum dederunt operae. Et *Camerarius* quidem priore versu pro τοῖ scripsit τῇ, quo tamen facile carere possumus. Neque sine offensione erat adiectivum κακοψόγῳ, cuius loco *Boissonade* καλοψόγῳ, *Emperius* ἀκαροψόγῳ, *Bergk* γιλοψόγῳ substitui vult. At ne in hoc quidem vocabulo video, quid recte vituperes. Nam etsi hoc adiectivum aliunde mihi non notum est, tamen recte formatum est; est enim determinativum, quod dicitur, compositum, quod aut idem valet ac κακῶς ψέγων, male, i. e. *maligne vituperans*, ut κακολόγος, κακοπράγμων etc., aut idem ac male, i. e. *nimis vituperans*, ut κακόσινος, κακοθόρος etc. Similis vel eadem πόλις κακοψόγος vv. 367—70 accurate describitur.

Quodsi hoc versu mutatione non opus esse videtur, eo corruptior sequens versus est. Atque viri docti alii alia proposuerunt remedia. Et *Hermann* quidem scribit: ὥς δέ τις (sc. ἀνδάνει), ὥς αἶτι πολλὸν ἀνολβότερος: ut quisque placet, ita stolidior multo audit ceteris civibus. Artificiose et subobscure, ut *Welcker* recte monet. Similiter *Mähly*: ὥς δέ τις, ὥς αἶτι πολλοὶ ἀνολβότεροι: ut vero aliquis (sc. placet), ita plerique sunt miseriores. Quod ingenue fateor me non intellecturum fuisse, nisi adnotasset: τίς est μούραρχος s. ἰέρανος! *Kayser* autem: ὥς δὲ καὶ ὀρθῶσαι πολλῶν ἀνολβοτέρῃ. At valde dubito, annon Graece dici possit: ἀνολβοτέρῃ ὥς ὀρθῶσαι pro ἢ ὥστε s. ὥς. Praeterea etiam aegre obiectum verbi ὀρθῶσαι desideramus.

Alii viri docti verbum σῶσαι vel adiectivum σῶς retinent, ut *Welcker*: ὥσθ' οἱ σῶες αἰεὶ π. ἀ., quocum *Geel* consentit; similiter *Schneidewin*: ὥσθ' οἱ σῶς αἰεὶ κτλ. At in his coniecturis et verba οἱ σῶες s. σῶς displicent neque sententia apta videtur. Contra *Schoemannum* autem, qui ὥστε δὲ σῶς εἶναι πολλῶν ἀνολβότερος coniecit, idem monendum est atque contra *Kayserum*. Alii porro pro ὥς s. ὥστε praepositionem ἐς scripserunt, ut *Boissonade*: ἐς δὲ τὸ σῶσ' αἰεὶ πολλοὶ ἀνολβότεροι; similiter *Hartung*: ἐς δὲ τὸ σῶσαι τοὶ π. ἀ. At hae quoque coniecturae in linguam Graecam peccare videntur; nam quis dixit: ἀνολβότεροι ἐς τὸ σῶσαι pro ἢ ὥστε σῶσαι? Neque vero sententiae satis faciunt; nam quae est *oppositio* inter ἀνδάνειν et σῶσαι? Potius dicendum erat: *nullum consilium placet*, sed *ipsi sese tueri non possunt*. Accedit, quod verbum σῶσαι non habet, quo referatur. Atque hoc vitium tollunt, relinquunt cetera *Orelli*, qui ἐς δὲ τὸ σῶν αἰεὶ κτλ., et *Emperius*, qui ἐς δὲ τὸ σῶς εἶναι πολλὸν ἀνολβοτέρῃ coniecit.

Restant coniecturae *Bergkii*: ὥς ἐὰν νόσασθαι et ὥς νόσασθ' αἰεὶ κτλ., et *Heimsoethii*: ἐς δὲ τὸ νόσασθ' οἱ κτλ., in quae eadem fere cadunt, quae contra reliquas coniecturas monuimus: abhorrent ab usu linguae Graecae neque sententiae satis faciunt, quae postulat: ὥς αὐτοὶ ἐτὰ ν. et ἐς δὲ τὸ αὐτοὶ ν. κτλ. Nec magis placet, quod idem *Bergk* coniecit: δις δὲ τόσως αἰεὶ π. ἀ.; non enim liquet, quo iure δις τόσως dicatur, cum comparatio nulla instituitur.

Ahrens denique suspicatur scribendum esse: οὐδ' ἐτός, ὡς αἰεὶ π. α. At illud οὐδ' ἐτός, i. e. *nec temere, nec sine causa*, h. l. non ferendum est. Nam primum οὐκ ἐτός scribendum erat, cum ea sollemnis sit horum verborum apud Graecos formula. Deinde vero haec locutio ex vulgari ac quotidiano hominum sermone desumpta ab elegis abhorreere videtur; propria est pedestris orationis et comoediae. Accedit, quod locutionem οὐκ ἐτός a scriptoribus Graecis semper ita lego dici, ut ea *sententia, quae efficitur ex antecedente, inferatur* aut addita particula ἔφα aut, id quod saepius fit, omissa; nunquam vero *nude*, i. e. sine sententia aut verbo, dictum repperi. Atque ipsa res, quae ex antecedente sententia efficitur, ea esse solet, ut *ei, qui concludit, iam antea illa quidem nota fuerit, sed ita, ut eius causam nunc demum intellegat*. Veluti Plat. r. pub. III p. 414e: οὐκ ἐτός, ἔφη, πάλαι ἡσχύνον τὸ ψεῦδος λέγειν, postquam is, ad quem haec verba directa sunt, rem, quam enarrare sese vereri dixerat, tandem cum aliis communicavit; similiter Aristophan. Thesmoph. 921: οὐκ ἐτός πάλαι ἡγυπτιάζετε exclamat mulier, cum eos inter se colludere cognovit. ibid. Plut. 1166: οὐκ ἐτός ἅπαντες οἱ δικάζοντες θαμὰ σπένδουσιν ἐν πολλοῖς γεγράφθαι γράμμασιν, postquam praececessit: ὡς ἀγαθὸν ἐστ' ἐπωνυμίας πολλὰς ἔχειν. Lysistr. 138: οὐκ ἐτός ἀφ' ἡμῶν εἰσιν αἱ τραγωδίαί. οὐδὲν γὰρ ἔσμεν πλὴν Ποσειδῶν καὶ σκάφη exclamat Lysistrata, quae, cum mulieribus, ut viris abstinerent, suasisset, repulsam tulit. Plato r. publ. VIII p. 568: οὐκ ἐτός, ἦν δ' ἐγὼ, ἥ τε τραγωδία ὅλως σοφὸν δοκεῖ εἶναι καὶ ὁ Εὐριπίδης διαφέρων ἐν αὐτῇ; causa enim in antecedentibus iam in universum significata est. Aristoph. Plut. 404: οὐκ ἐτός ἄρ' ὡς ἔμ' ἤλθεν οὐδεπώποτε, postquam mulier Plutum caecum esse comperit. ibid. eccles. 246: οὐκ ἐτός ἄρ', ὦ μέλ', ἦσθα δεινὴ καὶ σοφὴ exclamat mulier, cum audivit Praxagoram, quae modo praeclara oratione habita omnes maxima admiratione affecerat, saepius cum viro in contionibus fuisse ibique contionari didicisse. Jam vero vides Theognidis loci rationem prorsus aliam esse; potius enim dicendum erat: οἱ πολλοὶ ἀνολβότεροι. οὐκ ἐτός οὐδὲν ἀνδάνει αὐτοῖς.

Quae cum ita sint, omnibus virorum doctorum coniecturis omissis a codice A nobis proficiscendum est. Atque A, ut supra diximus, versum ita scriptum habet: ὡςδειοσσωσαιεὶ πολλοὶ ἀνολβότεροι, in quo integra videntur verba αἰεὶ πολλοὶ ἀνολβότεροι, quorum sensus est: plebs semper stolidior s. stolidi est. Quam sententiam si cum praegressa contulerimus, videbimus eas inter se bene consentire: plebi consilia nulla probantur; plebs stulta est semper. Quare puto scribendum esse: ὡς ἐτύμως αἰεὶ πολλοὶ ἀνολβότεροι, i. e. quam vere semper plebs stulta est s. quam verum est dictum illud plebem semper stultam esse! Atque usus comparativi pro positivo, si adiectivum maiore quadam vi effertur, ex Homero notissimus est. Ad sententiam ipsam cf. v. 232 et 847, ubi plebs *γενέσθων* vocatur; simillimi vero his versibus sunt vv. 367 sq., ubi etiam dicitur: μιμεῖσθαι δ' οὐδεὶς τῶν ἀσόφων δύναται, Praeterea vide vv. 35 sq., 149 sq., 319 sq., 393 sq., 429 sq., 635 sq., 683 sq., 1025 sq., 1183—4: quibus omnibus locis plebem rectae rationis prudentiaeque expertem esse dicitur.

Ceterum hos versus cum antecedentibus coniungendos existimo. Nam ratio huius loci mihi haec videtur esse, ut poeta amicum, qui plebi fidem habiturus ac suasurus est, ab hac re revocet: plebi ait non esse credendum, ne iuranti quidem, cum omnia consilia vituperet reprehendatque. Sed hac re memorata cum poetae bilis denuo moveatur, cum ira et indignatione exclamat:

ὡς ἐτύμως αἰεὶ πολλοὶ ἀνολβότεροι! —

Versibus 295 sq. homo loquax sive parasitus describitur:

κωτίλῳ ἀνθρώπῳ σιγᾶν χαλεπώτατον ἄχθος,
φθεγγόμενος δ' ἀδάης, οἷσι παρῇ, μέλειται
ἐχθαίρουσι δὲ πάντες κτλ.

Ita libri exhibent. Sed alter versus 296 magnae fuit offensioni et propter adiectivum ἀδελῆς et propter verbum μέλειται. Et confitendum est ab hoc loco alienum esse adiectivum ἀδελῆς, cuius loco *Hoeschel* ἀδελῆς coniecit, quod adiectivum mihi aliunde ignotum est, etsi facile a verbo ἀδελεῖν· ὀχλεῖν· ἀδικοῦσθαι. quod *Suidas* habet, derivari potest. Gravius est, quod hoc modo cum *Camerario* etiam μέλειται in πέλειται mutari oportet. Imo vero ne sensui quidem bene haec coniectura accommodata est; nam post verba σιγῶν χαλεπώτατον ἄχος exspectas simile quid ac: „semper autem loquitur“; ira atque indignatione eum reliquos convivas afficere sequentibus versibus docemur.

Sed multo magis et propter vocabulum et propter metrum displicet *Hartungii* coniectura ἀσαρὸς (ἀσαρῆς), quod adiectivum „nauseam s. fastidium movens“ esse interpretatur. *Herwerden* porro versum ita constituit: φθεγγομένου δ' ἂμ' ἄσιν, τοῖσι παρῇ, πέλειται, multa molitus, sed, ut mihi videtur, neque sententiae neque verbis bene consulens. Nec magis nobis probatur, quod *Emperius* tentavit: φθεγγομένου δ' ἀλέης, οἷσι παρῇ. μέλειται, quae verba quomodo cum sequentibus: ἀναγκαίη δ' ἐπίμεισις consentiunt? Nisi vero putas adiectivum ἀναγκαίη cum *Piersono* in ἀνιγρή immutandum esse.

Jam exponamus, quid nobis videatur. Et primum quidem existimamus verba φθεγγόμενος et μέλειται integra esse. Nam verbum μέλειται, quod proprie valet curare, curas habere, bene de parasito dicitur, qui omnes convivas promiscue sermonibus suis iocisque delectare studet, *de omnibus igitur, quibuscum est, ei cura est*, i. e. μέλειται. Sponte vides me ante verbum μέλειται genitivum τῶν supplere. Jam participio φθεγγόμενος addito indicatur, *qua in re* parasiti cura sita sit; ut enim is, qui convivium instituit, convivis vina epulasque proponenda curat, ita parasitus *sermones iocosque*. Ad hunc usum cf. *Xenoph. oecon.* 13, 2: τί ὁφελὸς λατροῦ. ὃς ἐπιμελοῖτο μὲν κάμωνιός τινος πρὸς τε ἰὼν καὶ ὄψέ, ὅτι δὲ συμμέτρον τῷ κάμωνι ποιεῖν εἴη. τοῦτο μὲν εἰδέει; similiter *vectig.* 5, 9 *cyrop.* 2, 1, 22; alia. Parasitum vero significari ex vv. 297—8 cerni licet.

Haecenus omnia bene procedunt. Sed quid illud ἀδελῆς sibi vult, quod h. l. ferri non posse iam monuimus? Cuius loco quid substituendum sit, cognoscemus, si meminerimus, quid parasiti naturae proprium atque insitum sit. Nempe hoc, ut *sine ulla verecundia* semper sermocinetur, impudenter atque insolenter: ea enim illa parasiti cura diligentiaque convivas delectandi his apparet. Mihi igitur videtur olim scriptum fuisse ἀδελῆς, quod adiectivum optime de eiusmodi homine dicitur: *sermocinans utpote homo inverecundus omnes, quibuscum est, sibi curae habet*. Similiter dicit *Horat. epod.* 11, 13: simul calentis *inverecundus deus* (i. e. *Bacchus*) fervidiore mero arcana promorat loco.

Sed adiectivum ἀδελῆς alia quoque re commendatur. *Homerus* enim tribus locis (*Il.* 8, 423. 21, 481. *Od.* 19, 91) de *impudentibus* hominibus ζῶον ἀδδείς dicit. Atque constat eanem apud Graecos perfectissimam esse impudentiae imaginem. Sed non solum *homines impudentes* ζῆνες vocati sunt, sed etiam κόλακες et παράσιτοι, qui, ut canes, homines nobiles comitari solebant; ita legitur *προζῶον* ap. *Poseidipp.* 18, 4 ed. *Hartung.* Jam vero vides ipse. quam apte adiectivum ἀδελῆς h. l. dictum sit, quippe quod statim ζῆνα in memoriam audientium et legentium revocet. Etiam verbum φθέγγεσθαι ad hanc sententiam quadrat, quod, etsi non ab *Homero*, tamen a posterioribus etiam *de bestiis* dicitur cf. *lexic.* In universum de parasito cf. *Athen.* VI. —

Versibus 309 sq. praecepta de conviviis recte agendis dantur, quae vulgo sic leguntur:

ἐν μὲν συσσίτοισιν ἀνὴρ πεπνυμένος εἶναι,
πάντα δὲ μιν λήθειν ὥς ἀπέοντα δόκει.
εἰς δὲ φέροι τὰ γελοῖα θύοις τε καὶ καρτερός ἐστίν,
γυγνώσκων ὀργήν, ἥτιν' ἔκαστος ἔχει;

sed pro infinitivo εἶναι, quem A exhibet, reliqui codices habent ἴσθαι; pro λήθειν pauci libri deteriores (BCFM) λήθην; pro φέροι O (BFM) φέρει; δὲ post θύρηφι omisit A; pro καρτερός OK habent καρτερόν; pro εἶη denique omnes deteriores εἴης.

Et in his versibus primum imperativus δόκει suspectus est, cuius loco *Geel* sequentium optativorum ratione habita recte scripsisse videtur optativum δοκοῖ, quo versus in integrum restituitur; nam quod Camerarius pro δέ μιν λήθειν coniecit δ' ὁμιλήτην, id suo iure editores reiecerunt.

Sed etiam in primo versu vitium latere videtur in infinitivo εἶναι, qui neque imperativi vicibus fungi potest propter sequentes optativos neque ex verbo δοκοῖ aptus bonum efficit sensum. Et *Hermannus* pro eo optativum εἶη scribi vult, sed ne ita quidem ea, quae requiritur, sententia evadit; non enim *prudens* in conviviis homo esse debet, sed, ut vv. 310—11 docent, *hilaris*. Puto igitur scribendum esse εὐφρων, ad quod adiectivum sequens illud δοκοῖ refertur. Infinitivus εἶναι autem, quem reliqui codices in imperativum ἴσθαι correxerunt, inde natus esse videtur, quod archetypi litterae pallidae fuerunt.

Atque hac coniectura probata non iam transpositione, quam *Bergk* proposuit, opus erit, cum omnia bene procedant: in conviviis, inquit poeta, prudens homo hilaris appareat et immemor omnium, quae foris sunt, rerum, atque ioca in convivium inferat; severus autem foris esto. Vides etiam verbum εἰσφέρειν, in quo multi offenderunt, optime se habere. Hoc enim verbum proprie de omnibus eis rebus dicitur, quas quis in coenaculum infert, ut de poculis Xenoph. cyrop. 8, 8, 10; de κύκλῳ ὀρθῶν ξιφῶν symp. 2, 11; de portionibus, quae a convivis ad ἔρῃον in feruntur cyrop. 7, 1, 12: ὃ ἄνδρες, dicit Cyrus de pugna, εἰς τίνα ποτ' ἂν καλλίονα ἔρῃον ἀλλήλους παρακαλέσαιμεν ἢ εἰς τόνδε. νῦν γὰρ ἔξῃστιν ἀγαθοῖς ἀνδράσι γενομένοις πολλὰ κάγαθὰ ἀλλήλοις εἰσενεγκεῖν. Ac prorsus similiter h. l. ioca portiones dicuntur, quas secum quisque convivarum inferat. Missa igitur faciemus, quae viri docti coniecerunt, ut *Kayser* εὖ δὲ κτλ., *Ahrens* εἰ δὲ φέροιτο γελοῖα, *Heimsoeth* ἐν δὲ φέροι.

Quod vero idem *Heimsoeth* κάρχαρος pro καρτερός coniecit, ne id quidem necessarium est; nam quam bene adiectivum καρτερός illi εὐφρων et γελοῖα opponatur, videri licet ex Xenoph. Ages. 5, 2: ἡγεῖτο γὰρ ἄρχοντι προσήκειν οὐ μαλακίᾳ, ἀλλὰ καρτερίᾳ τῶν ἰδιωτῶν περιεῖναι; ibid. 11, 9: μετ' ὀλίγων δέ μοι δοκεῖ ἀνθρώπων οὐ καρτερίαν τὴν ἀρετὴν, ἀλλ' ἐνπάθειαν νομίζειν. —

Versibus 337 sq. prima ac summa antiquorum exstat precatio, quae in libris ita legitur:

Ζεὺς μοι τῶν τε φίλων δοίη τίσιν, οἳ με φιλεῦσιν,

τῶν τ' ἐχθρῶν μεῖζον, Κέρε, δυνησόμενον;

sed pro δοίη OK habent δώη; praeterea in K verba μεῖζον Κέρε transponuntur Κέρε μεῖζον, calami lapsus, ut videtur.

Atque in priore huius distichi versu *Jacobs* putat pro δοίη scribendum esse θείη, quod tamen non necessarium est. Nam Ζεὺς μοι δοίη τίσιν idem est ac Ζεὺς μοι δοίη τίνεσθαι κτλ., in quo certe nihil est, quod vituperes. Neque vero ambigua sunt haec verba, ut quis δοῦναι τίσιν idem esse putet ac „poenas dare“, id quod ipso addito pronomine μοί excluditur.

Ceterum h. l. notandum est substantivum τίσιν et in bonam et in malam accipi partem, ut latinum illud „gratiam referre“. Nam sensus horum verborum is est, ut poeta precetur, ut et amicis et inimicis gratiam referre sibi contingat. Atque cum ad amicos verba οἳ με φιλεῦσιν addantur, simile quid etiam ad inimicos adiectum fuisse verisimile est, idemque verba corrupta μεῖζον δυνησόμενον demonstrant. Quod additamentum quale fuerit, ex illo οἳ με φιλεῦσιν colligi potest: „amici amant, oderunt inimici“. Neque tamen hoc simplex *odisse* satis est, quoniam *odisse* in omnes inimicos cadit, generosi vero viri est non omnes inimicos ulcisci, sed eos, qui odium in ipsum expromserunt, ei nocuerunt. Atqui infirmiores et viribus inferiores

inimicos, si quid in nos peccaverunt, *ipsi* statim ulcisci solemus. Ergo, cum h. l. poeta *Jovis auxilium imploret*, sequitur, ut inimicis succubuerit, *inimici ipso potentiores facti sint*: haec corruptorum verborum fuerit sententia necesse est.

Ab hac vero, quae necessario requiritur, sententia abhorrent, quae viri docti coniecerunt, ut *Hermann* δυνησομένην, *Boissonade* δυνησομένων, *Geel* ὀδυνησομένων, *Schaefer* δυνησομένην, *Bergk* ὀδυνησέμεναι, *Sauppe* δυνησαμένην, *Heimsoeth* μείζω, *Κύρον*, ὀδύνην θέμεναι. His igitur omnibus reiectis coniecturis equidem puto scribendum esse: δυνησαμένων, i. e. qui me plus potuerunt, potentiores fuerunt, vel si ad res Megarenses referas, qui nos dominatione privaverunt. Insolita autem et obsoleta, etsi apud Homerum non raro legitur, forma aoristi ἐδυνησάμην videtur causa corruptelae fuisse.

Ceterum de hac precatione cf. Xenoph. Hiero 2, 2 et 6, 12, ubi tyranni felices praedicantur, quod sunt ἱκανώτατοι κακῶσαι μὲν ἐχθρούς, ὀνῆσαι δὲ φίλους; similiter Cyrus in Cyrop 8, 7, 7 eo, quem moriens ad amicos habet, sermone maxime gloriatur, quod „τοὺς μὲν φίλους ἐπεῖδον δι' ἐμοῦ ἐνδαίμονας γενομένους, τοὺς δὲ πολεμίους ὑπ' ἐμοῦ δουλωθέντας“; idem ibid. 28 filios admonet: τοὺς φίλους εὐεργετοῦντες καὶ τοὺς ἐχθρούς δυνήσεσθε κολάζειν. alia. —

Versus 341 sq. eiusdem sunt argumenti ac vv. 337—40. Atque v. 341 in codicibus sic legitur:

ἀλλὰ, Ζεῦ, τέλεσόν μοι, Ὀλύμπιε, καίριον εὐχὴν;

sed quid h. l. adiectivum καίριον significet, mente assequi non possum; non enim, ut vulgo, „opportunus, aptus“, similia, valere potest. Atque eius loco *Emperius* adiectivum κύριον proposuit: „summam meam ac primam“ precationem. Melius id quidem; quamquam equidem puto elegorum poetam non *formis masculinis καίριον* et κύριον, sed *femininis καιρίαν* et κυρίαν usuros fuisse; nam fere *Attici*, non *Jonici* scriptores haec adiectiva per duas terminationes frequentant. Quare nescio an antiquitus scriptum fuerit: ποίνιμον εὐχὴν, quod ipso carmine optime commendatur; *ultoria* enim precatio hoc carmen recte appellari potest. —

Neque in sequentibus versibus qui in codicibus sic traduntur:

αἶσα γὰρ οὕτως ἐστί. τίσις δ' οὐ φαίνεται ἡμῖν
ἀνδρῶν, οἳ τὰ μὰ χεῖρμα' ἔχουσι βίη,
συλήσαντες κτλ.

omnia bene procedunt. Nam etsi confitendum est sine ulla offensione orationem sic continuari potuisse, ut poeta diceret: hoc enim fatum est, sc. homines et bona et mala habere; at (apud nos non viget, nam) nobis ultio non contingit eorum, qui etc.: tamen hoc modo si poeta perrexisset, versus 349—50:

τῶν εἴη μέλαν αἷμα πιεῖν ἐπὶ τ' ἐσθλὸς ὄροιο
δαίμων, ὅς κατ' ἐμὸν νοῦν τελέσειε τάδε.

haud dubie omittendi erant. Poeta enim, postquam omnibus rebus desperatis exclamavit: τίσις δ' οὐ φαίνεται ἡμῖν κτλ., non iam redire potest ad precationem illam, ut ulciscendi facultas sibi detur. Atqui hos versus non est, quod reprehendas aut poetae abroges. Existimo igitur pro οὐ φαίνεται olim scriptum fuisse: αὖ φαίνοιθ', quod librarii propter rariorem versus compositionem — in quinto enim pede spondeus est — in οὐ φαίνεται mutaverunt. —

Poeta vero secundum codices sic pergit:

ἐγὼ δὲ κύων ἐπέρῃσα χαράδρην,
χειμάρρῳ ποταμῷ πάντ' ἀποσεισάμενος;

quibus in verbis mihi substantivum κύων vix recte se habere videtur. Nam ut κύων, id quod non nunquam usu venit, eodem modo atque ὥσπερ, ὥς κύων comparationi instituendae inserviat,

tamen h. l. attributum postulatur, quale est „*exagilatus*“ vel simile quid; in *nuda* enim voce *ζών* *miseriarum* notionem inesse non habeo, quo demonstrem exemplo. Et *Ahrens* pro *ζών* coniecit *κακῶν*. Quod si recte se haberet, certe expectares *ἀποσειόμενος*, ut omittam ita sententiam antecedenti similiorem fore. Nec minus reiiciendum est *ἀέζων*, quod *Heimsoethius* excogitavit; quo additamento nescio quid sit otiosius. Mihi potius participium *φυγών* scribendum videtur, ut verba *φυγών ἐπέρισα* iungenda sint: trans torrentem fugiens natavi, i. e. ipso periculo vitae effugi.

In sequentibus vero *Heimsoeth* recte coniecit legendum esse: *χαράδρην χειμάροον ποταμοῦ*; non enim fugiens in *torrente* poeta *omnia amisit*, quasi suas res secum asportavisset, sed *domi*; fugiens autem trans torrentem natavit, ut omnibus amissis *vitam servaret*. Substantivum *χαράδρα* autem alveum torrentis significare et ex Hesychio s. v. intelligitur et ex Homero II. 4, 454. Itaque *Hartungii* coniectura *ἀποτεισάμενος* pro *ἀποσεισάμενος* non opus est; nec magis id, quod *Emperius* versu sequente coniecit: *ἐπεὶ ἐσθλὸς ὄροιο δαίμων κτλ.* —

Versus 365—6 A sic exhibet:

ἴσχε νόφ, γλώσσις δὲ τὸ μέλιχον αἰὲν ἐπέσιω.
δοῦλῶν τοι τελέθει καρδίη ὀξυτέρη;

sed reliqui libri habent *ἴσχε νόον* et *γλώσση* — *ἐπέσθω*, quae lectiones mihi ex cod. A derivatae videntur; nam postquam librarii pro forma *ἴσχε*, quae intelligi nequit, imperativum *ἴσχε* et pro *ἐπέσιω* verbum frequentius *ἐπέσθω* scripserunt, etiam *νόφ* in *νόον* et *γλώσσις* in *γλώσση* mutare debebant.

Quae cum ita sint, in cod. A antiquissimae exstat lectionis vestigium, quod in hoc versu emendando nobis premendum est. Atque quae A praebet, in eis praeter illud *ἴσχε* non est quod reprehendas. Omnia igitur integra erunt, dummodo pro *ἴσχε* scribas *ἴσχεο*; littera o autem propter sequens substantivum *νόφ* facile interciderere poterat. Itaque legimus:

ἴσχεο νόφ, γλώσσις δὲ τὸ μέλιχον αἰὲν ἐπέσιω.

i. e. tege, dissimula mentem tuam, linguae autem dulcedo tibi semper adsit. Eodem modo verbum *ἴσχομαι* legitur apud Homer. Od. 11, 251: *νῦν δ' ἔρχει πρὸς δῶμα καὶ ἴσχεο μηδ' ὀρομήνης*; similiter *ἴσχανασθαι* Od. 7, 161: *οἷδε δὲ σὸν μῦθον ποτιδέχμενοι ἴσχανάσονται*. Nos vertere possumus: „*an sich halten, hinter dem Berg halten*“. De sententia vide vv. 60 sq.

Jam vero si haec recte disputata sunt, non est, quod multis refutemus, quae viri docti ad hunc locum corrigendum excogitaverunt, ut *Ahrens* *ἴσθι νόφ*, *Hartung* *ἴσχεα νόφ* *Schneiderwin* *ἴσχεον γλώσση* δὲ κτλ. —

Versibus 373 sq. poeta Jovem maximum, et qui hominum animos probe pernovit, secundum vulgatam sic alloquitur:

380. πῶς δὴ σευ, Κρονίδη, τολμᾷ νόος ἄνδρας ἀλιτρούς
ἐν ταύτῃ μοίῳ τὸν τε δίκαιον ἔχειν,
ἦν τ' ἐπὶ σωφροσύνῃν τρεφθῇ νόος ἦν τε πρὸς ἕβρην
ἀνθρώπων ἀδίκους ἔργμασι πειθομένων.
οὐδέ τι νεκρομένον πρὸς δαίμονός ἐστι βροσιῶσιν
οὐδ' ὁδὸν ἦν τις ἰὼν ἀθανάτοισιν ἔδοι.
ἔμψης δ' ὄλβον ἔχουσιν ἀπίμοι. τοὶ δ' ἀπὸ δειλῶν
ἐργῶν ἴσχοιτες θυμὸν ὁμῶς περιίη.
μητέρ' ἀμικανίης, ἔλαβον κτλ.;

sed pro *ἦν τ' ἐπὶ σωφροσύνῃν* A habet *ἐπισωφροσύνην*. OK etiam contra metrum *ἦν τε πρὸς* σ. et O praeterea *σω φροσύνην*. Deinde v. 382 pro *ὁδόν* OK exhibet *ὁδός*. ita tamen, ut K os in rasura habeat. Et editores plerique *ὁδός* in textum receperunt; at *ὁδόν*, ut optimo libro

traditur, ita optime tuetur inversa, quae dicitur, attractione casuum. Denique v. 384 omnes praeter A codices habent ἰσχυοῖται pro ἰσχυοῖτες.

In his versibus primum haeremus in disticho 381—2, quod ab hoc loco alienum esse omnes viri docti viderunt. Et Hermann quidem id post v. 378 transponi voluit, quem Ahrens et Hartung secuti sunt. Sed rectius Emperius hos versus ut adventicium additamentum sive glossema, quod versuum continuationem disturbat, exterminavit.

Sed ita versus nondum prorsus sanati videntur. Nam nonne mirum videtur, quod v. 379 priori substantivo praepositio ἐπί, alteri πρὸς additur, idque eo magis, quod OK etiam contra metrum priore quoque loco πρὸς habent atque A ipse sine separatione ἐπισωφροσύνην, ut illud πῖς facile ex πρὸς corrumpi potuerit? Accedit, quod hi versus parum apte, ut vulgo fit, cum antecedentibus iunguntur, cum illa substantiva ἄνδρας ἀλιτρούς et τὰν δίκαιον et per se perspicua sint et si a poeta explicarentur, certe aliter explicarentur. Nonne multo aptius ad sequentia: ἐμπης δ' ὄλβον ἔχουσι κτλ. referuntur, quae necessario eiusmodi prodosin requirere videntur? Atque ita iungunt etiam Hermann et Hartung.

Sed etiam ita satis multa restant, in quibus offendamur. Primum enim poeta dicere nequit: „homines, sive boni sive mali sunt, tamen divitias habent“, sed potius: „etiamsi mali sunt, tamen divitias habent“, id quod ipsis sequentibus verbis: τοὶ δ' ἀπὸ δειλῶν ἔργων ἰσχυοῖτες θυμὸν ὁμῶς περὶν ἔλαβον, quae quidem illis opponuntur, aperte indicatur. Deinde ne v. 380 quidem ferri potest, quippe qui ad unum substantivum ὕβριν, non ad duo σωφροσύνην et ὕβριν referatur. Quocirco non sine causa Ahrens post v. 379 plene interpungit, versu 380 scribens: ἄνθρωποι — πειθόμενοι et v. 383: ἐμπης ὄλβον ἔχουσιν, quae tamen coniectura, ceteroquin satis violenta, id potissimum habet vituperii, quod illud ἦν τε κτλ. a versibus 383 sq. dirimit.

Quae cum ita sint, equidem puto scribendum esse:

ἦν τε πρὸς ἀφροσύνην τρεφθῆναι νόος ἦν τε πρὸς ὕβριν
 ἀνθρώπων ἀδίκους ἐργασίᾳ πειθόμενων,
 ἐμπης δ' ὄλβον ἔχουσιν κτλ.,

quo non solum omnes difficultates removentur, sed etiam librorum scripturae optime consulitur. Jam enim post v. 378 signo interrogationis posito et versibus 379—80 cum v. 383 coniunctis hic evadit sensus: „sive animus ad stultitiam sive ad superbiam se convertit hominum iniustorum, tamen divitias habent“ etc. Ita etiam v. 380 bene se habet, et vv. 383 sq. optime antecedentibus opponuntur. Ceterum de particulis ἦν τε — ἦν τε cf. Viger. p. 517.

Restat, ut moneamus in versibus sequentibus cum A ἰσχυοῖτες et τὰ δίκαια φιλεῦντες legendum esse. Nam sensus hic est, ut dicatur eos, qui a malis rebus abstineant, tamen (sc. etsi nihil mali faciunt, quod inest in verbis: ἀπὸ δειλῶν ἔργων θυμὸν ἰσχυοῖτες) paupertate premi. De hoc particulae ὁμῶς usu cf. Viger. p. 428, qui e. g. Lucian. adv. indoct. T. III p. 115 laudat, ubi legitur: εἰς τὰ μηδὲν σοι χρήσιμον ὁμῶς (sc. etsi tibi nihil prosunt) ἐκ πολλῆς τῆς περιουσίας ἀναλίσκεις. His poeta verbis asseverandi causa illa τὰ δίκαια φιλεῦντες maiore quadam vi subiungit, ut haec notio maxime efferatur. Itaque omnia optime procedunt. —

Versibus 469 sq. praecepta leguntur de convivii recte agendis. Et v. 475 poeta secundum A ita pergit:

ἀντὶς ἐγὼ — μέτρον γὰρ ἔχω μελιδέος οἴνον —
 ἕπτου λυσικάκων μνήσομαι οἷκαδ' ἰών,
 ἦξω δ' ὡς οἶνος χαριέστατος ἀνθρὶ πεπόσθαι.
 οὔτε τι γὰρ νήφω οὔτε λίην μεθίω;

sed v. 475 O omisit γάρ, K habet μέτρον γε ἔχω; deinde v. 477 CG exhibent δέξω, Athenaeus autem, qui lib. X p. 428 d hos versus laudat, ἦκω; v. 478 denique OK et reliqui fere omnes,

praeter A, τοί habent; *Athenaeus* vero hunc versum ita constituit: οὔτε τι νήφων εἴμι' οὔτε λίαν μεθύω.

In his versibus verba ἤξω δ' corrupta esse omnes viri docti viderunt; qui cum, quod *Athenaeus* habet, non melius esse putarent, alii alio modo hunc locum tentaverunt. Et *Emperius* quidem suspicatur scribendum esse: λήξω. At poeta, si hoc scripsisset, certe vv. 477—8 ante 476 posuisset, ut omittam sequentia verba: ὥς οἶνος κτλ. vix recte ad verbum λήξω referri posse. Nec magis in sententiam quadrat, quod *Ahrens* excogitavit: ἔξω; non enim *futurum* tempus huius verbi, sed *praesens* expectaveris. Neque vero omnino, si haec huius loci ratio est, intelligo, cur mutatione opus sit; nam verbum ἤκω coniunctum cum adverbio apud Jones idem atque ἔχω significare ex *Herodoto* satis superque constat. *Heimsoethius* denique quod proposuit: ἔξοιδ', ὥς κτλ., non solum mire quam friget et a poetico sermone abhorret, sed etiam v. 477 a v. 476 dirimit.

Quae cum ita sint, optimum existimo cum *Athenaeo* scribere: ἤκω δ', ὥς κτλ. sive ἤκων, ὥς κτλ., quod bene et cum antecedentibus et cum sequentibus consentit. Valet enim hoc loco, ut saepe apud *Herodotum* et non nunquam apud *Euripidem*, verbum ἤκω idem ac vulgo ἔχω: „se habere“. Est igitur sensus huius loci: „*dormiam domum abiens, sic autem me habeo sive sic me habens, ut vinum homini maxime conducit*“, i. e. in solchem Zustande, wie der Wein für den Menschen am zutrüglichsten ist. Praesens ἤκω propter antecedens futurum et ipsum in futurum immutatum esse videtur.

Jam haec condicio *qualis* sit, versu sequente exponitur:

οὔτε τι γὰρ νήφω οὔτε λίην μεθύω,

qui versus, etsi optimum efficit sensum, tamen propter hiatum νήφω οὔτε vitium contraxisse videtur. *Athenaeus* quidem videtur hac commotus causa omissa particula γὰρ scripsisse: οὔτε τι νήφων εἴμι' οὔτε λίαν μεθύω. Vix enim ac ne vix quidem eo adducor, ut existimem, si ab ipso poeta illud γὰρ omissum et νήφων εἴμι' scriptum fuisset, librariorum verbo εἴμι' detruso νήφω scripturos et γὰρ interserturos fuisse. *Athenaeum* vero libros non accurate secutum esse inde quoque apparet, quod λίαν pro λίην contra librorum auctoritatem scripsit. Qua de causa neque *Bergkii* coniectura: ἔξω δ' — οὔτε τι νήφων εἴμι' οὔτε λίην μεθύων, neque *Heimsoethii*: οὔτ' ἄρα νήφων εἴμι' οὔτε λίην μεθύων mihi probatur.

Alii autem viri docti hiatum ita removeri voluerunt, ut particula γὰρ eiecta hunc versum *artius antecedenti annecterent*, ut *Ahrens*, qui οὔτ' ἔτι δὲ νήφων οὔτε λίην μεθύων, et *Hartung*, qui οὔτε λίην νήφων οὔτε λίην μεθύων scripsit. At hi et ipsi sine iusta causa particulam γὰρ eliminant. Quid igitur nobis videtur? Ut supra iam diximus, *sensus integer* est, *metrum violatur*. Nonne igitur optimum et facillimum videtur scribere νήφω γ', quo hiatus evitetur? De particula γέ similiter usurpata cf. *Sophocl. Phil.* 230: οὐ γὰρ εἰς οὗτ' ἐμὲ ἐμῶν ἀμαρτεῖν τοῦτό γ' οὔθ' ὑμᾶς ἐμοῦ. Quam vero facile γέ hoc loco intercideri potuerit, vix est, quod moneam. —

Insequentibus eiusdem carminis versibus poeta incommoda persequitur ebrietatis, cuius causa ei videtur esse in multis atque in convivio necessariis poculis; legimus enim v. 489 sq :

ἡ μὲν γὰρ φέρεται γλοισίσιος, ἡ δὲ πρόκειται,
τὴν δὲ θεοῖς σπένδεις, τὴν δ' ἐπὶ χειρὸς ἔχεις.
ἀρεῖσθαι δ' οὐκ οἶδας. ἀνίκητος δέ τοι οὗτος,
ὃς πολλὰς πίων μὴ τι μάταιον ἐρεῖ;

sed v. 491 A habet calami lapsu, ut videtur, αἰνεῖσθαι; idem habet v. 492 πολλόν, K πολλά, O πολλὰς.

In his versibus editores suo iure haerent in verbis τὴν δ' ἐπὶ χειρὸς ἔχεις, quae ab hoc loco aliena sunt. Eorum loco alii alia proposuerunt. Et *Bergk* quidem suspicatur olim scriptum fuisse: ἐπὶ χεῖλος ἄγεις. At idem dici potest de ceteris, quae hoc loco memorantur,

poculis, ut de eo, quod *φιλοτίσιον* vocatur. Idem monendum est contra id, quod *Hartung* coniecit: *ἐπὶ χεῖρὸς ἔχεις*. *Hecker* autem legi vult: *τὴν δὲ πρόχειρον ἔχεις*, quod a ratione huius loci alienum est, quo certi cuiusdam poculi in convivio necessarii mentionem fieri cum ex antecedentibus verbis videri licet tum luculente ex sequente illo: *ἀφνειῶσαι δ' οὐκ οἶδας* efficitur.

Sed si hos versus accuratius consideraverimus, haec pocula in convivio necessaria in duo divisa esse videbimus genera: in ea, quae ipsi convivae inter se bibunt, et in ea, quae ab eis in honorem absentium hauriuntur (v. 489 et v. 490). Nam ἡ *φιλοτίσιος* *κύλιξ* sive ἡ *φιλοτισία πόσις* ea est, quam amici alii aliis nominatim propinant cf. *Critias* 2, 3 sq. Sequentia vero verba: ἡ δὲ *πρόκειται* ad ea pocula referam, quae a magistro bibendi imperantur, cf. *Plat. symp.* p. 176: *πίνειν ὅσων ἂν ἕκαστος βούληται, ἐπ' ἀνάγκης δὲ μηδὲν εἶναι*. *Theocrit.* 14, 18: *ἔς πότος ἑδὶς. ἤδη δὲ προΐόντος ἔδος ἐπιχεῖσθαι ἄκρατον ὦϊνος ἤθελ' ἕκαστος. ἔδει μόνον ὦϊνος εἰπεῖν. ἄμικες μὲν φωνεῦντες ἐπίνομες, ὥς ἐδέδοκτο*. Atque verbum *φέρεται* idem valet atque: „*tibi apponitur sive tibi apponi iubes*“, sc. a pincerna; verbum *προχεῖσθαι* autem significat h. l.: „*imperatum est omnibus s. palam*“. Similiter legimus apud *Xenoph.* *symp.* 2, 7: *τὴν δὲ τὰ προχέμενα ἀποτελοῦμεν*. *Herod.* 1, 11: *ὅρα ἀναγκαίην ἀληθῶς προχέμενην ἢ τὸν δεσπότην ἀπολλέειν ἢ αὐτὸν ὅτ' ἄλλων ἀπολλέσθαι*. *Aeschyl.* *Pers.* 371: *πᾶσι σιέρεσθαι χροατὸς ἢν προχέμενον*. *Sophocel.* *Antig.* 36: *γόνον προχεῖσθαι δημόλευστον ἐν πόλει*.

Quodsi hic versus (489) optime se habet, alter ea re laborat, quod verba *τὴν δὲ θεοῖς σπένδεις* aperte significant poculum, quod in absentium honorem bibitur, non sequentia *τὴν δ' ἐπὶ χεῖρὸς ἔχεις*, quae ob hanc causam corrupta esse diximus. Quorum loco quid antiquitus scriptum fuerit, reperiemus, si nobiscum reputaverimus, quorum in honorem absentium veteres pocula haurire soliti sint. Sunt *dei* et *amasii*. Atqui *dei* verbis *τὴν δὲ θεοῖς σπένδεις* significantur. Ergo verborum corruptorum sensus is esse debet, ut dicatur: hoc poculum in honorem *amasii* potas. Scribo igitur: *τὴν δ' ἐπιχέη* (sive *ἐπιχέαι*) *τοῦ ἐρῶς*. De verbo *ἐπιχεῖσθαι* *τινος*: in honorem alicuius bibere cf. *Theocr.* 14, 19, quem locum supra descripsimus; 2, 151: *αἰὲν Ἐρωτος (i. e. amasii) ἀκράτω ἐπεχεῖτο*. *Poseid.* 10, 1 (ed. *Hartung*): *Ναυοῖς καὶ Λύδης ἐπίχει δόω*. —

Restat, ut de adiectivo *ἀνίχης*, quod v. 491 legitur, pauca verba faciamus. Ut enim ex antecedentibus verbis satis perspicue intellegitur, poeta non dicere potest *eum invictum esse*, qui his omnibus poculis haustis sanam mentem servet — quasi esset, qui hoc posset —, sed omnino *neminem esse*, qui tot poculis sumptis sana mente esse possit. Sequitur adiectivum *ἀνίχης*, quod hanc significationem non habeat, corruptum esse.

Atque *Hecker* pro *ἀνίχης* proposuit *ἀνίρητος*, qua coniectura quid lucremur, non intellego. Magis ad sensum, qui postulatur, accomodatum est, quod *Hartung* repperit: *ἀνίρηντος*, quamquam vocabulum displicet. Mihi optimum videtur legere: *ἀγένητος*, cuius sensus est: „*nondum natus est sive non vivit*“, qui etc. De vocabulo cf. *Sophocel.* *O. C.* 973: *ἀγένητος τότ' ἤ;* de sententia cf. *Odys.* 6, 201: *οὐκ ἔσθ' οὗτος ἀνὴρ διερός βροτὸς οὐδὲ γένεται, ὅς κεν Φαιήκων ἀνδρῶν ἐς γαῖαν ἵκηται δηϊόνητα φέρον;* maximeque *Theognis* 801: *οὐδέεις ἀνδρῶπων οἳ' ἔσσεια οὔτε πέφονεν, ὅστις πᾶσιν ἁδὼν δέσσεται εἰς Λύδω*. —

Versus 511 sq. poeta ad hospitem, qui pauper ad ipsum pauperem venerat, misit, ut, quomodo eum excepturus esset, doceret. Ac postquam se ei, quae optima haberet, daturum professus est, pergit v. 515:

ἢν δέ τις ἔλθῃ
σεῦ φίλος ὦν, καιάξει, ὥς φιλότιτος ἔχεις,
οὔτε τι τῶν ὄντων ἀποθήσονται οὔτε τι μεῖζον
σῆς ἐρεα ξενίης ἄλλοθεν οἰσόμεθα;

sed pro *δέ τις* v. 515 A habet sec. Schneidewin *δίς*; v. 516 idem sec. Schneidewin *φιλότιτος ἔχεις*, sec. Mey *κατακείσῃ φιλότιτος*; K denique pro *ἔχεις* habet *ἔχει*.

Atque in his versibus verbum *κατάκεισ'* corruptum esse inde apparere mihi videtur, quod neque cum antecedentibus neque cum sequentibus consentit. Sequentia vero verba: *ὥς φιλότιτος ἔχεις*, non video, cur vituperes. Nam ut per se optimum praebent sensum, ita sequente disticho maxime affirmantur; verba *οὔτε τι κτλ.* enim explicant illa *ὥς φιλότιτος ἔχεις*.

Quo concesso iam longius progredi licet. Si enim versus, quos supra adscripsimus, cum sequentibus 519—20:

*ἦν δέ τις εἰρωτᾷ τὸν ἐμὸν βίον, ὃδ' οἱ εἰπεῖν·
ὥς εὖ μὲν χαλεπῶς, ὥς χαλεπῶς δὲ μάλ' εὖ,*

comparaveris, negare non poteris similitudinem quandam structurae inter utrosque intercedere; nam verba *ἦν δέ τις* v. 515 ad eadem v. 519 referuntur, verba *τὸν ἐμὸν βίον* eiusdem versus ad praegressa *ὥς φιλότιτος ἔχεις* v. 516; denique ut vv. 517—8 illud *ὥς φιλότιτος ἔχεις*, ita v. 520 verba *τὸν ἐμὸν βίον* accuratius definit.

Quae cum ita sint, in versibus 515—6, quos diximus corruptos esse, etiam verba infuisse puto, quae illis *εἰρωτᾷ* et *ὃδ' οἱ εἰπεῖν* responderent. Quare vide, nonne legendum sit:

*ἦν δέ τις εἰρωτᾷ
σεῦ φίλος ὢν, κατάκειφ', ὥς φιλότιτος ἔχεις.*

Jam et responsio inter 515—6 et 519 perfecta et sententia est optima: „si quis amicus te rogabit, dic ei aperte et libere, qualis ratio sit hospitii tui; nam etc.“ De *κατάκειφ' ὥς*, vix est, quod moneam Graecos cum verbis dicendi etc. et relativa et interrogativa coniunxisse, cf. e. gr. Soph. Trach. 1135: *εἰπέ δ' ἥ μοῖς*. Ratio huius loci est: dic libere ita, ut res cum hospitio tuo est.

Quae si recte, ut opinor, disputata sunt, non opus est, ut multis refutemus, quae viri docti ad hunc locum emendandum excogitaverunt; satis erit ea paucis recensuisse. Et *Hartung* quidem cod. A lectione abusus scribi vult: *ἐνδὸς ἡλθε εὖ, φίλος ὢν*. qua quidem coniectura et responsio inter 515 et 519 tollitur et v. 517 vix apte ad 516 additur. Hoc alterum valet etiam de *Bergkii* coniectura: *φίλος ὢν κακείσ', ὥς φιλότιτος ἔχει*, et de *Heimsoethii*: *κατάκεισ', ὥς φίλον ἦτορ ἔχει*. Quod vero idem *Bergk* coniecit: *κατάκεισ', ὃ φιλότις, τότ' ἐρῶ, κοῦτε κτλ.*, id nescio an ultimo repugnet disticho, ubi poeta dicit se *uni* hospiti satis habere, *pluribus* res suas non sufficere. Similiter res se habet cum coniectura *Schneidewini*: *καὶ κείσ', ὃ φίλ'. ἔπος τόδ' ἔρεις*, vv. 691—2 adiungens, et *Leutschii*: *κατάκεισ', ὃ φιλότις, τότ' ἐρεῖς, οὔτε τι κτλ.* His, quas ultimo loco attulimus, coniecturis recte etiam artificiosa et ab usu huius sylloges aliena collocatio verborum obiiici potest.

Reliquum est, ut de toto carmine, quod *Leutsch* in Philolog. XXIX, p. 664 sq. pertractavit, pauca verba faciamus. Atque *Leutsch* post v. 512 lacunam statuit, v. 513 scribens: *νεὼς ποτὶ τοι κτλ.* At mihi carmen integrum absolutumque videtur. Nam vv. 511—12 poeta causam indicat occasionemque, qua hoc carmen compositum sit, sequentibus argumentum ipsum persequitur. Atque cum ex primo disticho, ubi poeta se pauperem esse professus est, colligi possit eum hospitem non excepturum, id sequente disticho refutat. Etiam particula *τοί* duas sententias bene coniungit, quippe quae *asseverandi* vim habeat: „sane, utique“, ut sententiam, quae antecedentibus verbis subest, confirmet et comprobet. Ratio igitur huius loci haec est, ut poeta dicat: „venisti ad me, expectans, ut te excipiam: sane tibi apponam, quae habeo“. Vides igitur in hac particula nihil inesse, quod recte vituperes.

Ac postquam poeta dixit se hospitem excepturum quaeque haberet optima appositurum, iam sequentibus verbis accuratius exponit, quam hospitii sit rationem secuturus. Nulli rei ait, quam habeat, se parsurum, nullam mutuaturum esse; nam etsi ad *plures* hospites excipiendos

suae opes non sufficiant, tamen se satis habere, ut *unum* excipiat. Et haec poeta non sine arte ita protulit, ut hospitem quasi doceret, quid de hospitio suo atque hospite interrogatus amicis responderet: ita oratio vividior fit et alacrior. —

Versus 563 sq. in libris sic scripti exstant:

κεκλήσθαι δ' ἐς δαῖτα, παρέξεσθαι δὲ παρ' ἐσθλόν
 ἄνδρα χρεῶν, σοφίην πᾶσαν ἐπιστάμενον.
 τοῦ συνιέν. ὁπόταν τι λέγῃ, σοφόν, ὅσρα διδαχθῇς;
 καὶ τοῦτ' εἰς οἶκον κέρδος ἔχων ἀπίης;

sed v. 563 OK habent εἰς pro ἐς. A παρέξεσθαι pro παρέξεσθαι; idem A v. 565 διδαχθῇ pro διδαχθῇς. Reliqua, in quibus inter se differunt, mentione indigna videntur.

In his versibus, quos editores silentio praetermittunt, tamen non pauca insunt, quae merito nobis displiceant. Primum enim haec duo disticha nullo inter se vinculo coniuncta sunt, etsi loci ratio satis vehementer postulat, ut infinitivus *συνιέν* aequae ac *παρέξεσθαι* ad participium *χρεῶν* referatur. Neque vero ab hoc participio pendere possunt verba *κεκλήσθαι* ἐς δαῖτα, quae ab initio leguntur, modo ne sententiam ineptam evadere velis. Denique in priore disticho persona quoque deest, quam poetam alloqui ex altero disticho cernitur.

Haec difficultates ut removeantur, mihi ita legendum videtur:

καὶ κληθέντ' ἐς δαῖτα παρέξεσθαί σε παρ' ἐσθλόν
 ἄνδρα χρεῶν, σοφίην πᾶσαν ἐπιστάμενον,
 τοῦ συνιέν θ' ὁπόταν κλ.

Atque pronomen *σέ* in primo versu facile in *τέ* abire poterat; quo facto etiam *καὶ κληθέντ'* mutari oportebat in *κεκλήσθαι* δ'; versu autem tertio θ' facile intercidere potuisse, non est, quod moneam.

Haec iam scripseram, cum *Heimsoethium* quoque vidi in hoc loco haesisse, qui similiter coniecit: *ἐκκληθέντ' ἐς δαῖτα παρέξεσθαί τε* — *τοῦ συνέμεν θ', ὁπόταν κλ.* At in hac coniectura coniunctio duorum distichorum particulis *τέ* — *τέ* displicet, cum personae commemoratio aegre desideretur. Quam vero ob causam infinitivum *συνιέν* in *συνέμεν* immutetur, non liquet, cum aliis quoque locis verba in *μι* desinentia more verborum purorum contractorum declinentur. —

Versus 625—6 in omnibus libris sic exstant:

ἀργαλέον φρονέοντα παρ' ἄφροσι πόλλ' ἀγορεύει
 καὶ σιγᾷν αἰεὶ. τοῦτο γὰρ οὐ δυνατόν,

qui tamen quin corrupti sint, dubium esse non potest, quoniam verba *τοῦτο γὰρ οὐ δυνατόν* omnino non habent, quo referantur. Nam postquam poeta dixit coram stultis et loqui et tacere *grave molestumque* esse, quomodo addere potest eadem *omnino non fieri posse*? Quod *ἀργαλέον* est, idem non *οὐ δυνατόν* est.

Quas difficultates ut tolleret, *Hartung* coniecit: *καὶ σιγᾷν αἰεὶ τοῦτο μὲν οὐ δυνατόν*. Ac recte is perspexit post priorem distichi versum interpungendum esse, ut *ἀργαλέον* ad verba *πόλλ' ἀγορεύειν* et *δυνατόν* ad verbum *σιγᾷν* referatur, sed displicet *τοῦτο μὲν*, pro quo potius *τοῦτο γε* vel simile quid exspectes. Multo maiora moliti sunt *Herwerden* et *Heimsoeth*, quorum prior legi vult: *ἡγέτερον γρ. π. ἀ. π. ἀ. ἢ σιγᾷν αἰεὶ κλ.*, alter: *ἀργότερον κλ.*, quod interpretatur esse *ἀεργότερον*, *ἀπορώτερον*. At adiectivum *ἀργαλέον*, non est, cur reprehendas; significat enim *rem gravem* et *molestam*, maximeque de *eis rebus* dicitur, *quae animos aut dicentium aut facientium graviter afficiant*; id quod in hunc locum cadere sponte intelleges.

His igitur coniecturis omissis ad ipsa librorum verba revertamur. Atque hoc distichon iam diximus in duas separandum esse partes, quarum altera priore, posteriore altera absolvitur

versu; pronomine τοῦτο vero subiectum, i. e. σιγᾶν αἰεὶ, optime repetitur et maiore quadam vi effertur. Scribimus igitur:

καὶ σιγᾶν αἰεὶ τοῦτό γε πῶς δυνατόν;

Interrogativum πῶς saepius ita usurpatur, ut eo res aliqua negetur, cf. Sophocl. Phil. 41. 250. 754. alia. —

Versibus 659 sq. poeta monet, ne quis hoc illud non futurum esse adiuret; nam, pergit poeta v. 660 secundum vulgatam:

Θεοὶ γάρ τοι νημεσῶς, οἷσιν ἔπεστι τέλος.

καὶ προῆξαι μέντοι τι. καὶ ἐκ κακοῦ ἐσθλὸν ἔγεντο κτλ.

Particulam τοί v. 660 *Hermann* scripsit; nam libri AOK habent τέ, reliqui καὶ γάρ. Recte id quidem; sed ita versus nondum in integra restituti sunt. Nam quid verba καὶ προῆξαι μέντοι τι sibi volunt, quae neque ex antecedentibus neque ex sequentibus apta sunt? Maximae vero offensioni est particula μέντοι, qua oppositio infertur, quae in antecedentibus non habet, quo referatur.

Atque viri docti alii aliter hos versus corrigere conati sunt. Et *Brunkius* quidem scripsit: χρὴ προῆξαι μέντοι τι. At haec sententia in hunc locum, ubi de iureiurando agitur, non quadrat; nec particula μέντοι ita recte dicta est. *Hartung* autem coniecit: καὶ προῆξαι μεμαῶτί τι καὶ κακοῦ κτλ., et similiter *Mey*: καὶ προῆξαι μέλλουσι καὶ ἐκ κτλ. At ne ita quidem illud προῆξαι recte referri videtur. Accedit, quod ita vinculum inter hos versus et antecedentes desideratur. *Heimsoeth* denique suspicatur scribendum esse aut: καὶ προῆξαν μετὰ τοι τι, aut: καὶ προῆξαν μετόπιν τι. Et is quidem bene perspexit verbum προῆξαι ad neminem referri posse nisi ad deos; quae vero coniecit, nescio an nimis obscura sint.

Jam vero ex eis, quae supra diximus, apparet verbum προῆξαι ad ipsos deos referendum esse; idem docet particula καὶ, quae ab initio huius versus posita est. Sententiam autem, quae his verbis subest, ex tota loci ratione eam esse oportet, ut dicatur deos saepe res improvisas atque inopinatas facere. Existimo igitur olim scriptum fuisse: καὶ προῆξαι μέλλουσι; et facere possunt, sc. id quod unquam fore negasti. Ita hic versus et antecedentia apte excipit et sequentibus bene continuatur. Verbum autem μέλλειν inter omnes constat saepissime ita usurpari, ut de eis rebus dicatur, quae fieri possint quasque fieri verisimile sit. Exempla exstant apud Homerum plurima, cf. e. g. Ilias 18, 364: καὶ μὲν δὴ πού τις μέλλει βροτὸς ἀνδρὶ τελέσσαι κτλ. Od. 18, 19: ὄλβον δὲ θεοὶ μέλλουσιν ὀπάζειν. —

Versus 673 sq. vulgo leguntur:

ἀντλεῖν δ' οὐκ ἐθέλουσιν. ὑπερβάλλει δὲ θάλασσα

ἀμφοτέρων τοίχων. ἢ μάλα τις χαλεπῶς

σώζεται. οἱ δ' ἔρδουσι. κυβερνήτην μὲν ἔπαυσαν

ἐσθλὸν, ὅτις φυλακὴν εἶχεν ἐπισταμένως κτλ.;

sed pro οἱ δ' ἔρδουσι OK habent οἱ δ' et K praeterea ἔρδουσι; pro κυβερνήτην O κυβερνήτα, K κυβερνήται; pro ὅτις OK δ' ὅς, reliqui ex OK aperte correctum γ' ὅς, A unus ὅτις, ex quo etiam scriptura OK derivanda videtur.

Et hos versus, ut vulgo leguntur, non recte se habere facile intelliges, si tecum reputabis, quid illud οἱ δ' ἔρδουσι sibi velit. Nonne enim adversa fronte antecedentibus ἀντλεῖν δ' οὐκ ἐθέλουσιν repugnant haec verba? Non eadem abhorrent a sequentibus, ubi dicitur eos non operari, sed commune malum in suum vertere usum? Quid quod inter haec verba et sequentia vinculum nullum intercedit?

Quare iam *Bekker* suspicatur hoc loco vitium latere, quod sibi tollere visus est scribendo: σώζεται, οἱ δ' ἔρδουσι, quod vix in hanc sententiam quadrat. Nec magis satis facit, quod *Bergk* coniecit: ἔργουσι s. εἴργουσι. Equidem puto omnia recto talo procedere, modo cod. OK et A

vestigia prementes pro οἱ δ' ἔρδουσι. κυβερνήτην μὲν ἔπαισαν κτλ. scribamus: οἱ δ' ἔρδουσι, κυβερνήτην κτλ. i. e. qui autem operantur s. operarii, gubernatorem deiecerunt. Verba enim οἱ δ' ἔρδουσι idem valent ac ἐργάζεται cosque significant homines, qui mercede operantur. Eidem infra v. 679 φορητοί vocantur. —

Versus 691—2 in libris sic traduntur:

χαίρων εὔ τελέσειας ὁδὸν μέγαν διὰ πόντον
καί σε Ποσειδάων χάριμα φίλοις ἀγάγοι.

At offendunt verba χαίρων εὔ, quae cum idem fere significant, non vides, cur *duo* hoc loco *simul* ponantur; satis erat *aut* χαίρων *aut* εὔ dicere. Quare *Hecker* εὔ mutavit in ἐξ, scribens χαίρων ἐκτελέσειας. At χαίρων nomen proprium est, derivatum a casu recto Χαίρων sive Χαίρωνος. Scribendum est igitur Χαίρων (s. Χαίρων'), εὔ τελέσειας κτλ. Χαίρων nomen omnibus notum est; ad nomen Χαίρωνος cf. *Suidas* s. v. Χαίρωνος, ὄνομα κύριον.

Sequente vero versu *Hecker* et *Bergk* ἀγάγοι recte in ἀνάγοι correxisse videntur. Quod autem *Hecker* in adiectivo μέγαν haesit, cuius loco adiectivum μέγανος legi vult, non video, quo iure id fecerit. Nam nota sunt apud Homerum illa πόντος ἀπείρων, εὐρέα νῶτα θαλάσσης. μέγα λαῖτμα θαλάσσης, et *Od.* 3, 321: πέλαγος μέγα et deinde ἐπεὶ μέγα τε δεινόν τε; cf. praeterea *Theognis* 1098: ἐκ λίμνης μεγάλης. Periculi quoque notio non minus in μέγας inest quam in μέγας. —

Sed haec hactenus. Quae alia habemus, in aliud differamus tempus, ne hic libellus iusto amplior fiat. —



PA
4446
S56

Sitzler, Jakob
Emendationes theognideae

PLEASE DO NOT REMOVE
SLIPS FROM THIS POCKET

UNIVERSITY OF TORONTO
LIBRARY

